

增批醫方集解

錦章書局
出版

1682年



凡例

一古今方書至為繁夥然於方前第註治某病某病而未嘗發明受病之因及病在某經某絡也一方之中第註用某藥某藥亦未嘗發明藥之氣味功能入某經某絡所以能治某病之故也方書徒設庸醫淺術視之懵如乃拘執死方以治活病其不至於誤世殃人者幾希矣及宋陳無擇始將仲景之書先釋病情次明藥性使觀者知其緒端漸得解會其嘉惠後人之心可謂切至而世猶以循文訓釋識之不知仲景之書文淺義深至為難讀其良法固旨雖非陳氏所能徹盡然不讀陳氏之訓解又安能入仲景之門庭乎自陳氏而後歷年數百竟未有繼踵而釋方書者即如金匱玉函猶然晦昧又況千金外臺以及後賢之製劑也哉及明興始有吳鶴皋之醫方考分病列方詞旨明爽海內盛行茲倣陳氏吳氏遺意而擴充之採輯古方先詳受病之由次解用藥之意而又博採碩論名言分別宜用忌用惟求義明不厭詞繁頗竭苦心不知有當世好否也

一醫方考因病分門病分二十門方凡七百首然每證不過數方嫌于方少一方而三見又覺解多如五積散逍遙散皆未入選不無闕畧茲集門分二十有一正方三百有奇附方之數過之雖未足以盡醫瘡之目的能觸類引伸而醫瘡之大法用之亦已不窮矣

一本集所載皆中正和平諸書所共取人世所常用之方即間有一二厲劑亦攻堅瀉熱所必需者猶然布帛菽粟之味也至於藥味幽僻採治艱難及治奇證怪病者概不選錄又方雖出自古人而非今人所常用者亦不選錄

一古人立方分兩多而藥味寡譬如勁兵專走一路則足以破壘擒王矣後世無前人之明識分兩減而藥味漸多譬猶廣設攻圍以庶幾于一遇也然品類太繁攻治必雜能無宜于此而不宜于彼者乎茲集藥過二十味以上者概不選錄

一仲景傷寒論前人印定眼目自陳無擇而外鮮所發明陶庵庵雖著傷寒六書參合後賢之治法盡更仲景之方名究未嘗有片言隻字發揮仲景一證一方者又鑒前法不復分經論治仲景之書奧渺難窮節庵之書顯淺易讀世人奉為養祭故識見愈卑猥也近世如方

中行喻嘉言程郊倩輩各著傷寒論辨雖有偏駁未能盡合經意然間有一二新義為從前所未發者故多錄之不敢重古而非今也

一仲景傷寒諸方為古今方書之祖故註釋尤加詳悉觀者幸勿以其繁而厭之

一正方之後繫以附方一則篇章省約一則便于披尋且以示前人用藥加減之法也

一時丁亥晚洞垣窺臚之技世不再觀而村間市井稍能誦藥性讀回春者輒爾懸壺草管人命恬不知怪古云學醫人費豈不信然余竊憫之故著本草簡要一書字彙句釋使知藥品有性情施用有宜忌復者是集辨證論方使知受病有源因治療有軌則庶幾乎居讀之

